

Akashvani, Sambalpur

SAMBALPURI NEWS EVENING BULLETIN

26 May 2024- 7.02 pm- 7.12 pm.

୧- ବାହାରିଲା ଓଡ଼ିଶା ମାଧ୍ୟମିକ ଶିକ୍ଷା ପରିଷଦ୍ ପରିଚାଳିତ୍
ଯୁକ୍ତ ଦୁଇ କଳା, ବିଜ୍ଞାନ, ବାଣିଜ୍ୟ ଆର୍ ଧନ୍ୟାତୁଳକ୍
ପରୀକ୍ଷାଫଳ ।

୨- ଓଡ଼ିଶା ମାଧ୍ୟମିକ ଶିକ୍ଷା ବୋର୍ଡ଼ର ମେଟ୍ରିକ୍ ପରୀକ୍ଷାଥ୍ ୯୭
ଦର୍ଶନିକ ଶୂନ୍/୭ ପ୍ରତିଶତ୍ ପରୀକ୍ଷାର୍ଥୀ ହେଲେ ପାସ୍ ।

- ଆଏବା ଜୁନ୍ ୧୦ ତାରିଖ୍‌ନ୍ ସପ୍ଲିମେଣ୍ଟରୀ ପରୀକ୍ଷା
ଲାଗି ରେଜିଷ୍ଟ୍ରେସନ୍ ହେବା ମୁଲ୍ ।

୩- ଆକାଶବାଣୀ ସମ୍ବଲପୁର କେନ୍ଦ୍ର ଆଏଜ୍ ମନଉଛେ ୨୨
ନମ୍ବର୍ ଥାପ୍ନା ଦିବସ୍ ।

ଆଉର୍

୪- ବାତ୍ୟା ‘ରେମାଲ୍’ ପ୍ରଭାବ୍‌ଥ୍ ଉତ୍ତରଓଡ଼ିଶା ଆର୍
ସମୁଦ୍ରସ୍ତୃତି ଜିଲ୍ଲାମାନ୍‌କୁ ଜବର୍ ବର୍ଷାର୍ ସମ୍ଭାବନା ।

ଓଡ଼ିଶା ମାଧ୍ୟମିକ ଶିକ୍ଷା ପରିଷଦ୍ - ସିଏରବିଏଇ ପରିଚାଳିତ୍ ଯୁକ୍ତ ଦୁଇ କଳା, ବିଜ୍ଞାନ, ବାଣିଜ୍ୟ ଆର୍ ଧନ୍ୟାତ୍ମକ ଶିକ୍ଷାର୍ ପରୀକ୍ଷା ଫଲ୍ ଆଏଜ୍ ଉପର୍ବେଳା ବାହାରିଛେ । ପହେଲାଥର୍ ଲାଗି କଳା, ବିଜ୍ଞାନ, ବାଣିଜ୍ୟ ଆର୍ ଧନ୍ୟାତ୍ମକ ଶିକ୍ଷାର୍ ପରୀକ୍ଷାଫଲ୍ ଏକାସାଙ୍ଗେ ବାହାରିଥିବାର୍ ବେଳେ ପରୀକ୍ଷାଫଲ୍ www.orissaresults.nic.in ଥି ମିଳିପାରୁଛେ । ସିଏରବିଏଇ ତର୍ଫୁ ଦିଆଯାଇଥିବା ସୂର୍ନା ଅନ୍ସାରେ ଛାତ୍ରଛାତ୍ରୀମାନକର୍ ପାସ୍ ହାର କଳାଥ୍ ୮୦ ଦର୍ଶମିକ୍ ୯/୫ ପ୍ରତିଶତ୍, ବିଜ୍ଞାନଥ୍ ୮୨ ଦର୍ଶମିକ୍ ୯/୩ ପ୍ରତିଶତ୍, ବାଣିଜ୍ୟଥ୍ ୮୨ ଦର୍ଶମିକ୍ ୨/୭ ପ୍ରତିଶତ୍ ଆର୍ ଧନ୍ୟାତ୍ମକ ଶିକ୍ଷାଥ୍ ୨୮ ଦର୍ଶମିକ୍ ଶୂନ୍/୨ ପ୍ରତିଶତ୍ ରହିଛେ । ଯୁକ୍ତ ଦୁଇ କଳା ବିଭାଗଥ୍ ମୋର୍ ୨ ଲାଖ୍ ୩୫ ହଜାର୍ ୨ ଶହ୍ ୧୮ ଝନ୍ ପରୀକ୍ଷା ଦେଇଥିବାର୍ ବେଳେ ଲାଖେ ୯୦ ହଜାର୍ ୪ ଶହ୍ ୨୯ ଝନ୍ ପାସ୍ କରିଛନ୍ । ସେମାନକର୍ ଭିତ୍ରେ ଛାତ୍ରୀମାନକର୍ ସଂଖ୍ୟା ହେଉଛେ ଲାଖେ ୩୦ ହଜାର୍ ୭ ଶହ୍ ୩୧ । ବିଜ୍ଞାନ ବିଭାଗଥ୍ ଲାଖେ ୧୫ ହଜାର୍ ୮ ଶହ୍ ୯୫ ଝନ୍ ପରୀକ୍ଷା ଦେଇଥିବାର୍ ବେଳେ ଲାଖେ ୭ ଶହ୍ ୫୭ ଝନ୍ ପାସ୍ କରିଛନ୍ ।

ସେମାନଙ୍କର ଭିତରେ ଛାତ୍ରୀମାନଙ୍କର ସଂଖ୍ୟା ହେଉଛି ୪୮
ହଜାର ଶହେ ୯୦ ।

ବାଣିଜ୍ୟ ବିଭାଗ ୨୫ ହଜାର ୮ ଶହ ୯୭ ଝନ ପରୀକ୍ଷା
ଦେଇଥିବାର ବେଳେ ୨୧ ହଜାର ୩ ଶହ ୮ ଝନ ପାସ
କରିଛନ୍ । ସେମାନଙ୍କର ଭିତରେ ଛାତ୍ରୀଙ୍କର ସଂଖ୍ୟା
ହେଉଛି ୮ ହଜାର ୬୯ । ସେନ୍ତା ଧନ୍ୟାତୁଲକ୍ ଶିକ୍ଷା
ବିଭାଗ ୮ ମୋଟ୍ ୫ ହଜାର ୬ ଶହ ୩୬ ଝନ ପରୀକ୍ଷା
ଦେଇଥିବାର ବେଳେ ୩ ହଜାର ୮ ଶହ ୩୪ ଝନ ପାସ
କରିଛନ୍ । ପାସ କରିଥିବା ପରୀକ୍ଷାର୍ଥୀଙ୍କର ଭିତରେ
ଛାତ୍ରୀଙ୍କର ସଂଖ୍ୟା ୨ ହଜାର ୩ ।

ମେଟ୍ରିକ୍ ପରୀକ୍ଷାଫଳ ଆରବନ୍ଦୁ/ ସମ୍ବଲପୁର

ଓଡ଼ିଶା ମାଧ୍ୟମିକ ଶିକ୍ଷା ବୋର୍ଡ଼ ମେଟ୍ରିକ୍ ପରୀକ୍ଷାଫଳ ଭିଲ୍
ଆଏକ୍ ବାହାରିଛି । ଇ ବଛରର ପାସ ହାର ୯୬ ଦଶମିକ୍
ଶୁନ୍/୭ ରହିଥିବାର ବେଳେ ପିଲାମାନଙ୍କରୁ ତୁକେଲ୍ ମାନଙ୍କର
ପାସ ହାର ଅଏତକା ରହିଛି । ତୁକେଲ୍ ମାନଙ୍କର ପାସ ହାର
୯୬ ଦଶମିକ୍ ୭/୩ ପ୍ରତିଶତ୍ ଆର ପିଲାମାନଙ୍କର ପାସ ହାର
୯୬ ଦଶମିକ୍ ୩/୯ ପ୍ରତିଶତ୍ ରହିଛି । ଇ ବଛର ମୋଟ୍ ୫
ଲାଖ୍ ୪୧ ହଜାର ୬୧ ଝନ ଛାତ୍ରଛାତ୍ରୀ ପରୀକ୍ଷା ଦେଇଥିବାର
ବେଳେ ମୋଟ୍ ୫ ଲାଖ୍ ୩୦ ହଜାର ଶହେ ୫୩ ଝନ ପାସ

କରିଛନ୍ । ବୋର୍ଡ଼ ତରଫୁ ଦିଆଯାଇଥିବା ସୂଚନା ଅନୁସାରେ
ରାଏଜେ ପାସ୍ ହାର ଖୋର୍ଦ୍ଧା ଜିଲ୍ଲା ନ ସବୁନୁ ଅଏତ୍‌କା ୯୭
ଦଶମିକ୍ ୯/୮ ପ୍ରତିଶତ ରହିଥିବାର ବେଳେ ନୂଆପଡ଼ା ଜିଲ୍ଲା ନ
ସବୁନୁ କମ୍ ୯୩ ଦଶମିକ୍ ୯/୧ ପ୍ରତିଶତ ରହିଛି । ପଶ୍ଚିମ
ଓଡ଼ିଶାର ଜିଲ୍ଲାମାନଙ୍କୁ ପାସ୍ ହାର ଝାରସୁଗୁଡ଼ା ନ ୯୭ ଦଶମିକ୍
୨/୮, ବୌଦ୍ଧ ନ ୯୫ ଦଶମିକ୍ ୪/୯, କଲହାଣ୍ଡି ନ ୯୫
ଦଶମିକ୍ ୮/୬, ବରଗଡ଼ ନ ୯୭ ଦଶମିକ୍ ୬/୪, ସମ୍ବଲପୁର
ନ ୯୬ ଦଶମିକ୍ ୭/୩, ଦେବଗଡ଼ ନ ୯୬ ଦଶମିକ୍ ୭/୧,
ବଲାଙ୍ଗିର ନ ୯୪ ଦଶମିକ୍ ୩/୯, ସୁବର୍ଣ୍ଣପୁର ନ ୯୭ ଦଶମିକ୍
୧/୧ ଆର ସୁନ୍ଦରଗଡ଼ ନ ୯୭ ଦଶମିକ୍ ୨/୪ ପ୍ରତିଶତ
ରହିଛି ।

ଆଏକ୍ ଉପରବେଳା ୪ ବଜୁ ଅନୁଲାଇନ୍‌ଥି ମେଟ୍ରିକ୍
ମଧ୍ୟମା ଆର ଓପନ୍ ସ୍କୁଲ୍ ପରୀକ୍ଷାର ତିନିଟାଇକ୍ ବୋର୍ଡ଼
ସାର୍ଟିଫିକେଟ ମିଲିପାରୁଛି । ଇ ସାର୍ଟିଫିକେଟ୍ ଛାତ୍ରଛାତ୍ରୀମାନେ
ମୋବାଇଲ୍ ଜରିଏ ଭିଲ୍ ପାଇପାରବେ ।

ଆଏବା ୨୯ ତାରିଖୁନୁ ଜୁନ୍ ୧୨ ତାରିଖୁତକ୍
ଛାତ୍ରଛାତ୍ରୀମାନେ ରିଚେକିଂ ଲାଗି ଅନୁଲାଇନ୍‌ଥି ଆବେଦନ୍
କରିପାରବେ ଆର ଜୁନ୍ ୧୦ ତାରିଖୁନୁ ସପ୍ଲିମେଣ୍ଟରୀ ପରୀକ୍ଷା
ଲାଗି ରେଜିଷ୍ଟ୍ରସନ୍ ମୁଲ୍ ହେବା ବଲି ବୋର୍ଡ଼ ତରଫୁ

କୁହାଯାଇଛି । ବୋର୍ଡ଼ର ସଭାପତି ଶ୍ରୀକାନ୍ତ ତରାଇ ଇ ବାବ୍ଦେ ସୂଚନା ଦେଇକରି କହିଛନ୍...

(ଭଏସ୍ ଓଭର- ଶ୍ରୀକାନ୍ତ ତରାଇ)

ମେଟ୍ରିକ୍ ପରୀକ୍ଷା ଯାଏଁ କରିଥିବା ଛାତ୍ରଛାତ୍ରୀମାନଙ୍କୁ ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ୍ ଆର୍ କେନ୍ଦ୍ର ଶିକ୍ଷାମନ୍ତ୍ରୀ ଧର୍ମେନ୍ଦ୍ର ପ୍ରଧାନ ସାମାଜିକ୍ ଗଣମାଧ୍ୟମ୍ ଜରିଏ ଶୁଭେଚ୍ଛା ଜନେଇଛନ୍ ।

ପ୍ରଧାନମନ୍ତ୍ରୀ - ଓଡ଼ିଶା ଗସ୍ତ

ଆରଂଭ୍/ ସମ୍ବଲପୁର/ କଟକ/ ହିନ୍ଦୁସ୍ଥାନ ସମାଚାର୍

ବିଜେପିର ବରିଷ୍ଠ ନେତା ଆଉ ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ଆସବା ୨୯ ତାରିଖ୍ ଦିନ ଓଡ଼ିଶା ଗସ୍ତ୍ ଆସବେ । ପ୍ରଧାନମନ୍ତ୍ରୀ କେନ୍ଦ୍ରାପଡ଼ା ଆର୍ ବାଲେଶ୍ଵର ନ ଦଲୀୟ ପ୍ରାର୍ଥୀମାନଙ୍କର୍ ଲାଗି ପ୍ରଚାର୍ କର୍ବାର୍ କାର୍ଯ୍ୟସୂଚୀ ରହିଛି । ସେନ୍ତା ବିଜେପି ବରିଷ୍ଠ ନେତା ଆର୍ ଗୃହମନ୍ତ୍ରୀ ଅମିତ୍ ଶାହା ଆସବା ୨୮ ତାରିଖ୍ ଚାନ୍ଦବାଲି, କୋରେଇ ଆର୍ ନିମାପଡ଼ା ନ ଦଲୀୟ ନିର୍ବାଚନୀ ସଭାକେ ସମ୍ବୋଧନ୍ କର୍ବାର୍ କାର୍ଯ୍ୟକ୍ରମ୍ ରହିଛି । ସେଆଡ଼େ କଂଗ୍ରେସ୍ ସଭାପତି ମଲ୍ଲିକାର୍ଜୁନ୍ ଖାଡ଼୍ଗେ ଆସବା ୨୯ ତାରିଖ୍ ଦିନ ବାଲେଶ୍ଵର ଆର୍ ଚାନ୍ଦବାଲି ନ ଆର୍ ଦଲର ବରିଷ୍ଠ ନେତା ରାହୁଲ୍ ଗାନ୍ଧୀ ଆସବା ୩୦ ତାରିଖ୍ ଦିନ ଦଲୀୟ ପ୍ରଚାର୍

ସଭାଥି ଯୋଗ୍ ଦେବେ ବଲି ପ୍ରଦେଶ୍ କଂଗ୍ରେସ୍ ପ୍ରଭାରୀ
ଅଜୟ କୁମାର୍ ସୂଚନା ଦେଇଛନ୍ ।

ପୋଷ୍ଟାଲ୍ ବେଲଟ୍ ଡୋଟ୍- ନିର୍ବାଚନ୍ ଆୟୋଗ

ପ୍ରେସ୍ ରିଲିଜ୍

ରାଏଜେ ୩ ନମ୍ବର୍ ଖେପ୍ ଡୋଟ୍ ଡୋଟ୍ ପାଖାପାଖି ୯୪ ହଜାର୍
ଡୋଟ୍ ପୋଷ୍ଟାଲ୍ ବେଲଟ୍ ଜରିଆଥି ଡୋଟ୍ ଦେଇଛନ୍
ବଲି ରାଜ୍ୟ ମୁଖ୍ୟ ନିର୍ବାଚନ୍ ଅଧିକାରୀଙ୍କର୍ କାର୍ଯ୍ୟାଳୟ
ତରଫୁ ସୂଚନା ମିଳିଛେ । ସୂଚନା ଅନୁସାରେ ନିର୍ବାଚନ୍
ଆୟୋଗ୍ ପ୍ରାଧିକୃତ କରିଥିବା ୪୦ ପ୍ରତିଶତନ୍ ଅଧିକା
ବୋର୍ଡର୍ ଡିଜାରିଲିଟି ଥିବା ଭିନ୍ନସମ ମତଦାତା, ୮୫
ବଛରନ୍ ଅଧିକା ବୟସ୍ ଡୋଟ୍ ଅତ୍ୟାବଶ୍ୟକ ସେବା
ଆର୍ ନିର୍ବାଚନ୍ କାମ୍ ନିୟୋଜିତ କର୍ମଚାରୀମାନେ
ପୋଷ୍ଟାଲ୍ ବେଲଟ୍ ଡୋଟ୍ ଦେଇଛନ୍ ।

୭ ନମ୍ବର୍ ଖେପ୍ ଲୋକ୍ ସଭା ନିର୍ବାଚନ୍ ଏନ୍ ସଭି

ଦେଶର୍ ୭ ନମ୍ବର୍ ତଥା ଶେଷ୍ ଖେପ୍ ନିର୍ବାଚନ୍ ୮ ଟା
ରାଜ୍ୟ ଆଉ ଗୁଟେ କେନ୍ଦ୍ରଶାସିତ୍ ଅଂଚଲ୍ ୫୭ ଟା ସଂସଦୀୟ
କ୍ଷେତ୍ର ନ ଆସବା କୁନ୍ ମାସର୍ ୧ ତାରିଖ୍ ଦିନ ଡୋଟ୍ ହେବା ।

ଇ ଖେପେ ଓଡ଼ିଶାର ୬ ଟା ଲୋକସଭା ଆସନ ଆର ତାର ଅଧୀନଥି ଥିବା ୪୨ ଟା ବିଧାନସଭା ଆସନ ଲାଗି ଭୋଟ ହେବା ।

ଇତାରୁଛଡ଼ା ପଞ୍ଜାବ୍ ଆର ଉତ୍ତରପ୍ରଦେଶ୍ ୧୩ ଟା ଲେଖା, ପଶ୍ଚିମବଙ୍ଗ୍ ୯ ଟା, ବିହାର୍ ୮ ଟା, ହିମାଚଲ୍ ପ୍ରଦେଶ୍ ୪ ଟା, ଝାରଖଣ୍ଡ ୩ ଟା ଆର କେନ୍ଦ୍ରଶାସିତ୍ ଅଂଚଲ୍ ଚଣ୍ଡିଗଡ଼୍ ଗୁଟେ ଲୋକସଭା ଆସନ ଲାଗି ଭୋଟ ହେବା । ଇ ଖେପ୍ ଭୋଟ୍ ଲାଗି ପ୍ରଚାର ଜୋରସୋର ଚାଲିଛେ । ଭିନ୍ ଭିନ୍ ଦଲର୍ ବରିଷ୍ଠ ନେତାମାନେ ଦଲୀୟ ପ୍ରାର୍ଥୀମାନକର୍ ଲାଗି ଭୋଟ୍ ପ୍ରଚାର କରୁଛନ୍ । ଇନ ଜନେଇ ଦିଆଯାଇପାରେ ଯେ, ଆଏବା ଜୁନ୍ ୪ ତାରିଖ୍ ଦିନ ସବୁ ଖେପର୍ ଭୋଟ୍‌ଗନ୍ତି କରାଯିବା ।

ବୌଦ୍ଧ- କୁମ୍ଭୀର ବୌଦ୍ଧ ସମ୍ପାଦକାତା

ବୌଦ୍ଧ ଜିଲ୍ଲା ସୁନାଖଣିଆ ଇଲାକାର୍ ମହାନଦୀଥି ୩୫ ଟା ଘଡ଼ିଆଲ୍ କୁମ୍ଭୀର ଶାବକ ଜନମ୍ ନେଇଥିବା ଜଙ୍ଗଲ୍ ବିଭାଗ୍ ତରଫୁ ସୂଚନା ମିଲିଛେ । ମହାନଦୀ ସୁନାଖଣିଆ ବିଟ୍ ନ ସିସିଟିଭି କେମ୍‌ରା ଜରିଏ ମା’ କୁମ୍ଭୀର ଆର ଶାବକ ମାନକର୍ ଉପ୍ରେ ନଜର୍ ରଖାଯାଇଛେ । ସେନ୍ତା କୁମ୍ଭୀର ରିସର୍ଚ୍ ଟିମ୍ ଭିଲ୍ ଥିତି ଉପ୍ରେ ନଜର୍ ରଖୁଛନ୍ । ଇଲାକା ନ ମହାନଦୀଥି ମାଛମରା ଡଙ୍ଗା ଚଲାଚଲ୍‌କେ ପୁରା ନିଷିଦ୍ଧ

କରାଯାଇଛି । ସୂର୍ନା ଅନ୍ଧାରେ ଘଡ଼ିଆଲ୍ ପ୍ରଜାତିର
କୁମ୍ଭୀର ଅଣ୍ଡା ଦେବାର ୩୪ ଦିନ୍ ଉତ୍ତରୁ ଛୁଆ ବାହାରସି ।
କୁମ୍ଭୀର ଦେଇଥିବା ୩୫ ଟା ଯାକ ଅଣ୍ଡା ନୁ ଛୁଆ ପୁଟିଛନ୍ ।

କଲ୍ରାପତ୍ରିଆ ବାଘଛାଲ୍ ଜପ୍ତି ନୂଆପଡ଼ା ସମ୍ବାଦଦାତା

ନୂଆପଡ଼ା ଜିଲ୍ଲା ଖଡ଼ିଆଲ୍ ବନଖଣ୍ଡ ଇଲାକାର ହରିପୁର ଗାଁ ନ
ଗୁଟେ କଲ୍ରାପତ୍ରିଆ ବାଘର ଛାଲ୍ ବିକ୍ରି ଲାଗି ଦାମ୍
ମୁଲ୍ତାଲ୍ ହେଉଥିବାର ବେଳେ ଜଙ୍ଗଲ୍ ବିଭାଗ୍ ତରଫୁ
ଚଢ଼ଢ଼ କରାଯାଇକରି ଛାଲ୍ ଜପ୍ତି ସଙ୍ଗେ ୫ ଝନ୍କୁ ଗିରଫ୍
କରାଯାଇଛି । ଖଡ଼ିଆଲ୍ ଡିଏଫ୍ୱ ଅଜିଡ଼ ଖାନ୍ ଗୁଟେ
ସାମ୍ବାଦିକ୍ ସମ୍ମିଳନୀଥି ସୂର୍ନା ଦେଇଛନ୍ ଯେ, ଛାଲ୍ଟା
ଗୁଟେ ୪ ବଛର୍ ବୟସର୍ ବାଘର୍ ହେଉଥିବାର ଅନୁମାନ୍
କରାଯାଉଛି । ବାଘ ଶିକାର୍ ଆର୍ ଛାଲ୍ ବିକ୍ରି କାର୍ବାର୍
ଆର୍ ୪ ଝନ୍ ଅଭିଯୁକ୍ତ ଘର୍ନାଜାଗାନ୍ ପେରାର୍
ହେଇଯାଇଥିବାର ସେ କହିଛନ୍ ।

ଆକାଶ୍‌ବାଣୀ ପ୍ରତିଷ୍ଠା ଦିବସ୍ ଆର୍ଏନ୍‌ୟୁ ସମ୍ବଲପୁର୍

ଆକାଶ୍‌ବାଣୀ ସମ୍ବଲପୁର୍ କେନ୍ଦ୍ର ଆଏଜ୍ ତାର୍ ୨୨ ନମ୍ବର୍
ଥାପ୍ନା ଦିବସ୍ ପାଲନ୍ କରୁଛି । ୧୯୭୩ ମସିହାଥି

ଆଝିର୍ ଦିନେ ସମ୍ବଲପୁର ଆକାଶବାଣୀ କେନ୍ଦ୍ର ଥାପନା ହେଇଥିଲା । ୨୦ କିଲୋଓର୍ ଗ୍ରାହ୍ୟମିଟର୍ ପ୍ରସାରଣକୁ ମୁଲ୍ ହେଇଥିବା ଇ କେନ୍ଦ୍ର ଏଛେନ୍ ଶହେ କିଲୋଓର୍ କ୍ଷମତାର୍ ତିଜିଟାଲ୍ ପ୍ରସାରଣ୍ କରୁଛେ । ଇତାର୍ସହେତେ ୨୦୧୫ ସାଲେ ଏଫ୍.ଏମ୍. ମହାନଦୀ ଆର୍ ୨୦୧୬ ଥୁ ଆଂତଲିକ୍ ସମ୍ବାଦ୍ ବିଭାଗ୍ ନୁ କାର୍ଯ୍ୟକ୍ରମ୍ ପ୍ରସାରଣ୍ ହେଉଛେ । ଇ କେନ୍ଦ୍ର ପଶ୍ଚିମ ଓଡ଼ିଶାର୍ କଳା, ସାହିତ୍ୟ ଆଉ ସଂସ୍କୃତିର୍ ପ୍ରଚାର୍ ପ୍ରସାର୍ ଦିଗେ ବର୍ତ୍ତତି ଭୂମିକା ନେଇକରି ଶ୍ରୋତାମାନକର୍ ମନ୍ ଜିତି ପାରିଛେ । ଆକାଶବାଣୀ ରିକ୍ରିଏସନ୍ କ୍ଲବ୍ ତରଫୁ ଆଏଜ୍ ଥାପନା ଦିବସ୍ ପାଲନ୍ ଅର୍ସରେ କାର୍ଯ୍ୟକ୍ରମ୍ ମୁଖ୍ୟ ମନୀଷ ଭଟ୍ଟାଚାର୍ଯ୍ୟ ଅଧକ୍ଷତା କରିଥିଲେ । ସେ କହିଥିଲେ ଯେ, ଆକାଶବାଣୀ ସମ୍ବଲପୁର କେନ୍ଦ୍ରକୁ ଉନ୍ନତ ଧରଣ୍ କାର୍ଯ୍ୟକ୍ରମ୍ ପ୍ରସ୍ତୁତ୍ କରବାର୍ ସହେତେ ଶ୍ରୋତାମାନକର୍ ରଚିକେ ନଜରୁ ରଖିକରି ପ୍ରସାରଣ୍ କରବା । ରିକ୍ରିଏସନ୍ କ୍ଲବ୍ ସମ୍ପାଦକ କ୍ଷେତ୍ରମଣି ବିଭାର୍ କାର୍ଯ୍ୟକ୍ରମ୍ ସଂଚାଳନ୍ କରିଥିଲେ । ଇଥି କାର୍ଯ୍ୟାଳୟର୍ ଅଧିକାରୀ ଆର୍ କର୍ମଚାରୀମାନେ ଯୋଗ୍ ଦେଇଥିଲେ ।

ପାଣିପାଗ

ଆର୍ଏନ୍ୟୁ / ସମ୍ବଲପୁର

ବଙ୍ଗୋପସାଗର ନ ସୃଷ୍ଟି ହେଇଥିବା ବାତ୍ୟା ରେମାଲ୍
ଆଏଜ୍ ରାତି ବାଂଲାଦେଶ୍ ଆର୍ ପଶ୍ଚିମବଙ୍ଗ୍ ସମୁଦ୍ରଖଣ୍ଡି
ଇଲାକାର୍ ସାଗରଦୀପ୍ ଆର୍ ଖେପୁପରା ମଝି ନ ଭୁଇଁକେ
ଛୁଇଁବା ବଳି ଭାରତୀୟ ପାଣିପାଗ୍ ବିଭାଗ୍ ତରଫୁ ଅନୁମାନ୍
କରାଯାଇଛେ । ସୂର୍ଜନା ଅନ୍ଧାରେ ରେମାଲ୍ ଭୁଇଁକେ ଛୁଇଁଲା
ସମିଆଥି ଶହେ ୧୦ ନୁ ଶହେ ୨୦ କିଲୋମିଟର୍ ବେଗଥି ପବନ୍
ବୁହିପାରେ । ପବନ୍ର ପ୍ରଭାବ୍ ଶହେ ୩୫ କିଲୋମିଟର୍
ଇଲାକାତକ୍ ରହେବା । ବାତ୍ୟାର୍ ପ୍ରଭାବ୍ଥି ଉତର୍ ଓଡ଼ିଶା ଆର୍
ସମୁଦ୍ରଖଣ୍ଡି ଜିଲ୍ଲାମାନ୍କୁ ଜବର୍ ବର୍ଷା ହେବାର୍ ସମ୍ଭାବନା
ରହିଛେ । ଖାସ୍ କରି ବାଲେଶ୍ୱର୍, ଭଦ୍ରକ୍ ଆର୍ ମୟୂରଭଞ୍ଜ୍ ଜିଲ୍ଲା
ନ ଜବର୍ ବର୍ଷା ହେବାର୍ ସଙ୍ଗେ ୪୦ ନୁ ୫୦ କିଲୋମିଟର୍
ବେଗଥି ପବନ୍ ବୁହିବା ବଳି ଅନୁମାନ୍ କରାଯାଇଛେ ।

ସେଆଡ଼େ ଆଏଜ୍ ରାଜ୍ୟର୍ ସବୁନୁ ଜହ୍ ତାପମାତ୍ରା ନୂଆପଡ଼ା ନ
୪୨ ଦଶମିକ୍ ୨ ଡିଗ୍ରୀ ସେଲ୍ସିଅସ୍ ରେକର୍ଡ୍
କରାଯାଇଥିଲା । ଦିନର୍ ସବୁନୁ ଜହ୍ ତାତି ପଶ୍ଚିମ ଓଡ଼ିଶାର୍
ଝାରସୁଗୁଡ଼ା ନ ୪୦ ଦଶମିକ୍ ୭ ଆର୍ ସମ୍ବଲପୁର୍ ନ ୪୦
ଡିଗ୍ରୀ ସେଲ୍ସିଅସ୍ ରହିଥିଲା ।